

STATUT  
I SHOQËRISË ME PËRGJEGJËSI TË KUFIZUAR  
“HEPTA GRILL” SH.P.K.

**KREU I**

**Dispozita të Përgjithshme**

*Neni 1*

Shoqëria me përgjegjësi të kufizuar “HEPTA GRILL” Sh. P. K. është krijuar me date 08 Qershor 2023 nga ortakët e saj Z. Klaidi Gjoci dhe Orgest Bircaj.

*Neni 2*

Emërtimi i shoqërisë është “HEPTA GRILL” Sh. P. K.

*Neni 3*

Shoqëria e përcaktuar në nenin 1 të këtij statuti krijohet me mjete private të themeluesve të saj.

*Neni 4*

Shoqëria me përgjegjësi të kufizuar “HEPTA GRILL” SH.P.K , në përputhje me krijimin e kësaj shoqërie dhe me legjislacion shqiptar, rregullon pozitën juridike të themeluesve dhe të punonjësve në shoqëri, të dhënat me rëndësi për qarkullimin juridik, organizimin, objektin e veprimtarisë dhe çështje të tjera me rëndësi për punën e shoqërisë.

*Neni 5*

Shoqëria “HEPTA GRILL” SH.P.K.. është person juridik shqiptar dhe fiton personalitet juridik nga data e regjistrimit në organet përkatëse. Shoqëria ushtron veprimtarinë e saj në përputhje me legjislacionin shqiptar dhe dispozitat e parashikuara në dokumentat e krijimit të saj, kontratën dhe në këtë statut.

*Neni 6*

Shoqëria do të kryejë aktivitetet me objekt:

- Bar-Restorant, Hoteleri. Transport, magazinimi, përpunimi, dhe tregtimi me shumicë dhe pakicë, import-eksport të mallrave të ndryshëm ushqimore, prodhime bujqësore, fruta perime, pije freskuese e alkoolike, industriale, konfeksione, pajisje elektroshtëpiake, materiale ndërtimi, prodhime farmaceutike, vegla muzikore, plehra kimike etj. Çeljen e agjensive imobiliare. Investitor në ndërtim dhe sipërmarrje ndërtimi. Ndërmarrjen e projekteve me investim publik në fusha të ndryshme të infrastrukturës dhe transportit. Muzike live

*Neni 7*

Selia e shoqërisë “HEPTA GRILL” SH.P.K. është **Durres, Lagjja nr. 1, Rruga Taulantia, Zona Kadastrale 8512, Nr.Pasurie 26/212, Pista e Re.**



#### *Neni 8*

Shoqëria ushtron veprimtarinë e vet të përcaktuar në këtë statut në territorin e Republikës së Shqipërisë. Për kryerjen e kësaj veprimtarie shoqëria mund të çelë degë, filiale dhe zyra të saja të përfaqësimit brenda dhe jashtë vendit në përputhje me legjislacionin shqiptar dhe të vendit ku është hapur.

#### *Neni 9*

Shoqëria kryen veprimtarinë e saj për të realizuar fitimin e saj duke u mbështetur në parimet e likuiditetit, sigurisë dhe rentabilitetit.

#### *Neni 10*

Pjesëmarrja në shoqëri nuk i pengon ortakët të kenë pavarësi ligjore për veprimtari të tjera e për të drejta të tjera pronësie. Ortakët nuk përgjigjen për detyrimet e shoqërisë që rrjedhin nga objekti i veprimtarisë së saj tek kapitali themeltar.

#### *Neni 11*

Të drejta kryesore të ortakëve janë:

- Pjesëmarrja në administrimin e veprimtarisë së shoqërisë më përputhje me kontratën dhe statutin e vet ose nëpërmjet përfaqësuesve të tij.
- Pjesëmarrja në rezultatet e veprimtarisë së shoqërisë në çdo formë dhe sasi qoftë në përputhje me statutin dhe kontratën.
- Pjesëmarrja në organet e shoqërisë që janë ose mund të krijohen nëpërmjet përfaqësuesit të tij ose vetë.
- Të kërkojnë t'u jepen të gjitha informatat që kanë të bëjnë me gjendjen tregtare të shoqërisë si dhe të gjitha dokumentet e përpunuara të shoqërisë si bilancet, llogaritë ekonomike etj.
- Të bëjnë propozime dhe t'i paraqesin ato për shqyrtim para organeve të shoqërisë.
- Të emerojnë dhe të shkarkojnë përfaqësuesit e saj, punonjësit, ekspertin kontabël dhe likuidatorët.

#### *Neni 12*

Detyrimet e ortakëve janë:

- Pjesëmarrje në administrimin e shoqërisë nëpërmjet organeve të krijuara prej tyre, personalisht ose nëpërmjet përfaqësuesve që krijojnë.
- T'i japë shoqërisë informacionet e nevojshme që kanë të bëjnë me ecurinë e veprimtarisë së saj
- Të kryejnë shërbimet e nevojshme për arritjen e objektivave të shoqërisë dhe realizimin e funksioneve të saj.

### **KREU II**

#### **Kapitali i Regjistruar**

#### *Neni 13*

Veprimtaria e shoqërisë realizohet në bazë të veprimtarisë kontabël dhe pasqyrohet në bilancin e saj.



#### *Neni 14*

Kapitali i shoqërise është 100.000 Leke. Kapitali i shoqërise ndahet në një numër kuotash në raport me kontributin e dhënë nga çdo ortak në shoqëri ku çdo ortak zoteron një kuotë të vetme në shoqëri, kuota këto të shlyera si më poshtë:

Z.Klaidi Gjoci zoteron një kuotë me vlerë 50.000 leke që përben 50% të kapitalit themeltar të shoqërisë.

Z. Orgest Bircaj zoteron një kuotë me vlerë 50.000 leke që përben 50% të kapitalit themeltar të shoqërisë.

Kontributet e ortakëve mund të jete në para ose në natyrë ( pasuri të luajtshme ose të paluajtshme apo të drejta ).Ortakët përgjigjen për humbjet e shoqërise përkundrajt të tremeve deri në vlerën e kontributit të tyre në kapitalin themeltar të shoqërise.

#### *Neni 15*

Në rast zmadhimi të kapitalit themeltar nëpërmjet shtimit të pjesëve të saj, ortakët e shoqërisë kanë të drejtën e rritjes në mënyrë proporcionale.

#### *Neni 16*

Pjesët e kapitalit themeltar janë plotësisht të transferueshme në rrugë trashëgimie në rast ndarje pasurie ndërmjet bashkëshortëve, paraardhësve dhe pasardhësve. Transferimi duhet të vërtetohet me akt noterial.

#### *Neni 17*

Shoqëria në emër të vet është pronare, përdoruese dhe disponuese e pasurive të saj gjithmonë në përputhje me qëllimin e objektit të veprimtarisë që ajo kryen. Shoqëria mund të shesë pasuri ose të shfrytëzojë të drejta të tjera materiale. Ajo mund të ofrojë për garanci dhe pasuri të saj për të marrë kredi bankare.

#### *Neni 18*

Shoqëria krijon fonde rezervë ose fonde të tjera të veçanta për zhvillimin dhe nxitjen ekonomike të saj. Shoqëria disponon mjetet e veta financiare. Detyrimet eventuale që mund të lindin gjatë veprimtarisë së saj mbulohen nga fondet rezervë, fondet e tjera ose nga shumat themeltare që kur dëshirojnë mund të derdhen prej ortakut të vetëm, në rastet kur këto detyrime nuk mund të mbulohen nga fondet ekzistuese.

### **KREU III**

#### **Viti Financiar, Llogaritë Vjetore, Ndarja e Fitimit**

#### *Neni 19*

Çdo vit financiar fillon me 1 Janar dhe mbaron me 31 Dhjetor. Përgjashtimisht viti i parë financiar ka filluar në ditën e regjistrimit të shoqërisë dhe përfundon më 31 Dhjetor të atij viti.

#### *Neni 20*

Pasqyrat Financiare vjetore të shoqërisë deklarohen brenda datës 31 Mars të vitit pasardhës.

#### *Neni 21*

Ortakët i përballojnë vetë humbjen e veprimtarisë së shoqërisë në të ardhmen.

*Neni 22*

Llogaritë vjetore, inventari, raportet, operacionet e vitit financiar dhe raportet e veçanta të hartuara nga administratori dhe eventualisht nga eksperti kontabël i autorizuar miratohen nga ortaku i shoqërisë. Miratimi i dokumentave mbi veprimtarinë vjetore bëhet brenda një afati 6 mujor nga data e mbylljes së vitit financiar.

*Neni 23*

Fitimi neto i realizuar nga shoqëria, pas zbritjes së të gjitha detyrimeve si dhe fondet e lëna për rezervë për nxitje ekonomike, për investime, për reklamën tregtare etj i përfitojne 100% ortaket e shoqërisë.

**KREU IV**

**Administrimi**

*Neni 24*

Asambleja e përgjithshme mbledhet në rastet e përcaktuara nga ky ligj, nga ligje të tjera ose nga dispozitat e statutit dhe sa herë që mbledhja është e nevojshme për të mbrojtur interesat e shoqërisë sipas kërkesave të nenit 82, pika 2 e ligjit nr. 9901. Me përjashtim të rasteve kur statuti parashikon një shumicë më të lartë, asambleja e përgjithshme vendos me tri të katërtat e votave të ortakëve pjesëmarrës, siç përcaktohet në pikën 1 të nenit 86 të këtij ligji, për ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë. Mbledhja e jashtëzakonshme e Asamblesë vendos për çështje të tilla si ndryshimi i statutit, zmadhimi, zvogëlimi dhe transferimi i pjesëve të kapitalit themeltar, shndërrimin e shoqërisë nga Sh. P. K. në forma të tjera si dhe mbyllje të shoqërisë sipas kërkesave të ligjit Nr. 9901.

*Neni 25*


Administrimi i shoqërisë bëhet nga administratori.

- Asambleja e Përgjithshme cakton administratorin për një periudhë 5 (pesë) vjeçare sipas parashikimeve të shkronjës 'c' të pikës 1 të nenit 81 dhe të nenit 95 të Ligjit Nr. 9901 datë 14.04.2008 "**Për Tregtarët dhe Shoqëritë Tregtare**". Emërimi do të jetë individual dhe sipas një vendimi të marrë me shumicë të zakonshme nga Asambleja e Përgjithshme.
- Kufizimet në lidhje me emërimin e Administratorëve parashikohen në pikën 2 të nenit 95 të Ligjit Nr. 9901, "Për tregtarët dhe shoqëritë tregtare".
- **Z.** Klaidi Gjoci caktohet si administrator i shoqërisë për një periudhë prej 5 vjet, me të drejtë riemërimi.

*Neni 26*

Kompetencat e Administratorit janë:

- Miratimi i planeve dhe llogarive ekonomike pas përpunimit të tyre në kuadër të veprimtarisë së shoqërisë.
- Të bëjë propozimet e nevojshme në mbledhjet e asmblesë, kur lind nevoja e ndryshimit të kapitalit themeltar.
- Miratimi i akteve normative që përcaktojnë raportet e shoqërisë duke përfshirë kuadrin dhe personelin.
- Përcaktimi i strukturës së aparatit të shoqërisë
- Krijimi i organeve të tjera të domosdoshme për realizimin e objektivave të shoqërisë.
- Propozimi në mbledhjet e asmblesë për krijimin e njërive, strukturave, filialeve, degëve dhe përfaqësive në qytet të tjera të vendit apo jashtë shtetit.
- Përzgjedhja e Ekspertit Kontabël dhe anëtarëve të komisionit të likuidimit dhe paraqitja e propozimeve për miratim në asamble.



## **KREU V**

### **Prishja dhe Njoftimet**

#### *Neni 27*

Kontrulli i shoqërisë mund të kryhet nga një Ekspert Kontabël i Autorizuar për tre vite financiare me mundësi rizgjedhje. Ai caktohet nga ortakët e shoqërisë. Shkarkimi i Ekspertit Kontabël të Autorizuar vendoset në të njëjtat kushte si emërimi, ose kur bëhet e pamundur kryerja e detyrave.

#### *Neni 28*

Në rast likuidimi të shoqërisë, likuiduesi, në përputhje me Ligjin dhe Vendimin e marrë nga Asambleja e Përgjithshme, mund të shpërndajë në dobi të ortakëve të gjithë ose një pjesë të vlerës së pasurive të shoqërisë dhe për këtë qëllim, mund të vlerësojë çdo pasuri dhe të përcaktojë mënyrën e shpërndarjes midis ortakëve të shoqërisë.

## **KREU VI**

### **Dispozita të fundit**

#### *Neni 29*

Ky statut së bashku me ndryshimet dhe të gjitha dokumentet e tjera, raportet, komunikimet dhe procesverbalet e dhëna nga shoqëria do të mbahen në një libër të veçantë që mbahet në selinë e shoqërisë.

## **ORTAKËT E SHOQËRISË**

**Z. KLAI DI GJO CI**



**Z. ORGEST BIRCAJ**

